

# Batasun prozesuak aurrera egin lezakeela azpimarratu du EK-k

Danimarkako «proba» gainditu ostean, orain Erresuma Batuari dagokio txanda


**E**uropako Komunitateak (EK), krisi politiko eta ekonomikoan murgilduta, lasai hartu zuen arnasa atzo Danimarkako erreferendumaren emaitzak ezagutzean, Maastrichteko Europako Batasun Hitzarmena berresteko azken-aurreko oztopoa gainditu baitzen danimarkarren baiezkotari esker, Bruselako EK-ko buruek onartu zuten.

## BRUSSELA

Danimarkarrek iazko ekaineko erreferendumean Maastrichteko Hitzarmena gaitzetsi zutenetik, Batasun Hitzarmena geldirik egon da. Urte honen hasierarako martxan jartzea espero zen prozesua atzeratu egin da, eta EKn zehar pertsona, diru eta merkantzien komertzio askean baino ez da antzeman mugak hautsi egin zirenik. Danimarkarrek baiezkotza eman ostean, Erresuma Batua geratzen da soilik Maastricht berresteko. Baiezkotza batasun europarrari emandako bultzada azpimarratu eta makineria europarra berriro martxan jartzeko azken proba Erresuma Batuko berrespena dela nabarmendu zuten Bruselan.

Europako Batzordeko bozeramaileak Jacques Delors erakundeko lehendakariaren eta bere komisarien izenean irakurritako komunikatuan danimarkarrak zoriondu zituen «Europa kultur aniztunaren eraikuntzan danimarkar bakoitzak jarritako harea alearengatik. Bultzada hau behar genuen, baiezkotza Europa jasaten ari den desegonkortasunetik irteten lagunduko baitu».

Europako Batzordearen komunikatu laburraren ostean,



Henning Christopher komisaria Europako Batzordearen izenean emandako prentsaurrekoan.

AP

## Majorren erronka parlamentarioa

### LONDRES

Danimarkarrek Maastrichteko Hitzarmenari baiezkotza eman ondoren, Europaren begiak Erresuma Batuari begira jarri dira orain. Londreseko Legebiltzarrak gaur ekingo dio Behe Ganbaran Europako Batasun Hitzarmenaren hirugarren eta behin-betiko irakurketari. Alderdi Laboristaren abstentzioa-

Leon Brittan Batzordeko lehendakariordeak, Henning Christophersen Finantzetako ardura-dunak eta Hans van den Broek Atzerri ardura-dunak Kopenha-

rekin John Major lehen ministroak Hitzarmenaren berrespena erraz lortuko duela uste dute adituek. Baina, Alderdi Kontserbadoreko korrante 'euroeszeptikoak' 45 diputatu ditu Behe Ganbaran, eta gogor ari da diputatu gehiago bereganatu nahian. Behe Ganbarak onartu ondoren bi asteren buruan iragango da Goi Ganbarara, honek Hitzarmena berretsi dezan. Bertan, Margaret

getik «etorritako berri onengatik» beren poza azaldu zuten: Baiezkotza honi esker Europako «Batasun prozesua berriro martxan jar liteke Erresuma Batua-

Thatcher eta Norman Tebbit 'euroeszeptikoek' «gera itzela» iragarri dute. Danimarkako erreferendumaren emaitzak bukatada «erabakigarria» eman dio Londresi Hitzarmena berresteko, atzo Majorrek zioenez. Baina oraindik ez dira arazo guztiak konpondu. Besteak beste, librak Europako Diru Sistematik atsegitzen du eta bertatara itzultzeko egunik ez dute oraindik jarri.

emaitzaren zain». Izan ere, Danimarkako proba iragan ondoren, orain Londreseko Legebiltzarrena gainditu beharra dagoela nabarmendu zuten komisariak.

## Finlandia, Suedia eta Norvegia Brusselara begira

### KOPENHAGE

Finlandiak, Suediak eta Norvegiak Europako Komunitatean (EK) sartzeko eguna gertuago dagoela iritzi diote, Danimarkako herritarrek Maastrichteko hitzarmenari baietza eman ostean.

Cral Bildt Suediako lehen ministro kontserbadoreak EKtik «gero eta hurbilago» daudela adierazi zuen atzo, eta komunitatean sartzeko negoziaketak burutu ondoren beharrezko erreferenduma datorren urteko erdialdean bertan egin litekeela aurreratu zuen baikor.

Maastrichtek «ahalegin euro-

par bateraturako bidea irekitzen du», iritzi zion Ingvar Carlsson Alderdi Sozialdemokratikoko buruzagiak. Modu honetan langabeziaren aurka eta «eskubide sozial eta sindikalen» alde egin ahal izango dela adierazi zuen oposizio buruak.

Suediako politikarien ildo beretik jo zuen Finlandiako Gobernuak ere. Essko Abo zentroko lehen ministroarentzat, Europako integrazioan eta Finlandia EKn sartzeko negoziaketetan aurrerapauso garrantzitsua ekarriko du asteartean Danimarkan egin zen erreferendumaren emaitzak. «Negoiazioak ongi

hasi ziren, eta egoera argiagoan aurrera egingo dute», zehaztu zuen Helsinkiko Gobernuak kaleratutako oharra.

Aurreko bien gisan, Norvegiak ere begi onez jaso ditu herenegungo azken orduetan Danimarkatik jasotako berriak. Maastrichteko akordioaren aldeko emaitzek eragin positiboa izango dute Europako Truke Librearen Elkarteko (EFTA) herrialdeok Europako Komunitatean sartzea bideratuko duten negoziaketetan.

Gro Harlem Brundtland lehen ministro finlandiarrak Danimarkako agintariek herritarrek kon-

bentzitu ahal izan dituztela ikusteak sortutako poza azaldu zuen herenegungo erreferendumaren ostean.

Atzerri ministroak ere bat egin zuen gobernuaren esanekin, eta «Europako Komunitateak irtenbideak topatzeko duen gaitasuna» agerian uzten duela gaineratu zuen. «Danimarkako erreferenduma Erresuma Batuko berrespenak laguntzen badu azken oztopoak gaindituta» egongo direla iritzi zion Finlandiako diplomaziako buruak eta behin Maastricht onartu ondoren, EK-k atea irekiko dietela baieztatu.

## Palestinarrak goseak daudela baieztatu du PAEk

### TUNISIA

Palestinaren Askapenerako Erakundeak (PAE) dei dramatikoak egin zuen atzo jendaurrean «goseak dauden» dauden Lurralde Okupatuetako herritar palestinarrek laguntzeko. Israelek martxoaren hasieran «itxi» egin zituen Gaza eta Zisjordania, eta ordudanik okerrera egin du egoerak.

«Duela 50 egunetik, Israelen lan egiten duten senitartekoen soldadari esker bizi diren 150.000 familia dirurik eta laguntza materiala jasotzeko aukerarik gabe daude», dio PAEk Tunisian duen egoitzatik kaleratutako prentsa oharra. Erakunde palestinarrek, Lurralde Okupatuetako egoerak «egunetik egunera okerrera» egiten duela baieztatu ondoren Gaza eta Zisjordanian goseak dauden herritar asko hil ere egin daitezkeela zehaztu zuen.

Giro larri honek areagotu egiten du Israelek okupatuak dituen lurraldeetako biolentzia. Bertako komunikabideen arabera, joera honekin hildako gehien izandako hilabetea izango da maiatza duela sei urte *intifada*-ri ekin zitzaionetik.

## Gaur erabakiko da Carlos Andres Perez auzipetuko dutenentz

### DONOSTIA

Gaur erabakiko du Venezuelako Auzitegi Gorenak Carlos Andres Perez lehendakaria auzipetzeko baimena emango duten edo ez. Venezuelako estatuburuari 17 milioi dolarreko ezkupeko dirutza legez kanpo erabili izana leporatu dio bertako Justiziak.

Hala ere Carlos Andres Perezek honelako egoerei aurre egiteko trikimailu ugari erabiltzen badakiela erakutsi izan du maiz, eta Auzitegi Gorenak bere aurkako erabaki hartu arren Senatuak eman beharko duen baimena eragozten saiatuko dela iragarri dute Venezuelako oposizio eta egunkariak. Baina egoera ez da bere aldekoa. AD (Ekintza Demokratikoa) bere alderdia gutxiengoa da Senatuan eta lehendakariaren aurkako giroa da nagusi.